



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Disp. III. De circunstantiis humanorum actuum

---

[urn:nbn:de:hbz:466:1-77355](#)

## DE CIRCUNSTANTIIS HUMANORVM ACTVVM. 135

bonitatem ac meritum clarè & distinctè representat: quamvis autem agere per modum natura primo modo, sit maxima imperfectio, & conveniat brutis, quæ non se movent in finem, sed mouentur ab authore naturæ; agere tamen per modum naturæ secundo modo, summa perfectio est, soli naturæ intellectuali propria, & Deo conveniens in operationibus ad intra. Unde Hilarius, Damascenus, & alii SS. Patres, vocant generationem Verbi Divini, *opus naturæ*, non quod ab ipsa natura divina immediate procedat, sed quia est ab intellectu ut naturaliter operante. Et idèo etiam D. Thomas suprà citatus docet productionem Spiritus Sancti esse à voluntate, non ut voluntas, sed ut natura est.

Ex his abundè satisfactum puto præcipuis Jansenij & Vincentij Lenis argumentis: unde de illis verè dicam, quod dixit in simili Claudius Mamerius lib. i. de statu animæ cap. ii. *Vnde quā parvō negotiō veritatis calor frigentium verborum pruinias liqueficerit.*



### DISPUTATIO III.

#### De circumstantiis humanorum actuum.

*Ad questionem 7. D. Thome.*

**C**ONSIDERATA ratione voluntarij & involuntarij, quæ pertinet ad essentiam humanorum actuum, agit D. Thomas de quibusdam accidentibus, quæ illos quasi vestiunt & circumstant, & idèo circumstantia appellantur. Nulla autem circa hanc questionem sese offert celebris controversia: unde in ejus expositione diu non erit immorandum.

#### ARTICVLVS VNICVS.

*Quid, & quot sint circumstantiae humanorum actuum?*

**D**ico primò: Circumstantias esse quædam accidentia actuum humanorum. Probatur ratione D. Thomæ hic art. i. Quod est extra essentiam actus, & tamen ipsum aliquo modo attingit, dicitur ipsum accidentis: Atqui circumstantia attingunt actum humanum, & sunt extra essentiam ejus: Ergo sunt accidentia ipsius. Major patet, Minorem explicat D. Thomas, dicens nomen circumstantia desumti ex metaphora loci: sicut enim locus est extra essentiam corporis locati, & tamen ipsum attingit aliquo modo, idèoque dicitur ipsum ambire & circumstare; ita similiter circumstantia actus humani debent esse quædam conditions extra essentiam actus, ipsum tamen attingentes vel affidentes.

**2.** Dices: Vel hujusmodi conditions intelliguntur esse accidentia respectu actus considerati in esse physico, vel in esse moris? Si primum, omnis moralitas pertinebit ad circumstantiam, & nulla erit quæ tribuat speciem actui humano in genere virtutis aut vitiij, quia comparatione ad esse physicum omnis moralitas accidens est. Si secundum, contra est, quia multæ circumstan-

tia dant speciem essentialē actui in esse moris; nam circumstantia loci mutat speciem ejus moralē, ut homicidium, vel adulterium in loco sacro, constituit sacrilegium; circumstantia etiam persona mutat ejusdem speciem, v. g. si sit cum soluta, est fornicatio; si cum conjugata, adulterium; si cum consanguinea, incestus: Ergo falsum est quod circumstantia sint accidentia respectu actus humani in esse moris considerati.

Respondeo quod circumstantia, quæ in praesenti considerantur à Theologis, non sunt circumstantia & accidentia ipsius actus solum in esse naturæ considerati, sed etiam actus ut voluntarij, & humani, seu moralis; ita quod in linea morali, & non solum in linea entitativa, aliiquid se habeat per modum essentia & quidditatis, aliud per modum circumstantia & accidentis: sicut in furto hoc quod est rapere alienum, se habet per modum essentia; sed quod bonum alienum sit magnum, vel parvum, quod rapitur in loco sacro, vel prophano, se habet per modum circumstantia & accidentis. Unde ad rationem in contrarium dicendum est, quod circumstantia sunt accidentiales conditiones etiam respectu actus moralis, quando munus & officium circumstantia exercent; si vero non exercant formaliter rationem circumstantia, sed transirent in conditionem objecti, vel in rationem differentia contraria moralitatis, non se habent per modum conditionis accidentalis actus humani & moralis, sed pertinent ad specificativum essentialē ipsius actus, ut contingit in exemplis adductis.

Dico secundò: Septem tantum esse circumstantias humanorum actuum, hoc verū contentas:

*Quis, Quid, Vbi, Quidbus auxiliis, Cur, Quomodo, Quando.*

Probatur primò ratione D. Thomæ hic art. 3. Circumstantia sunt accidentia que attingunt quodammodo actum: Sed possunt ipsum attingere tripliciter, Primo afficiendo ipsius substantiam intrinsecè vel extrinsecè, & tunc est circumstantia *Quomodo*, vel *Vbi*, vel *Quando*. Secundò ipsum afficiunt ex parte causa, & hoc adhuc tripliciter, sicut potest esse triplex causa;

E una nempe est causa finalis, & ita est circumstantia *Cur*, altera est efficiens principalis, & ita est circumstantia *Quis*; tercia est causa instrumentalis, & sic fit circumstantia *Quidbus auxiliis*. Tertiò ipsum actum attingunt ex parte effectus, & tunc est circumstantia *Quid*. Porro nulla alia circumstantia excogitari potest, quæ ad istas non reducatur: nam circumstantia *Quoties*, quæ ab aliquibus ponitur, non est propriè circumstantia, sed numerus actuum qui diversam substantiam materialiter facit; unde numerus semper confitendus est in peccatis, ut definit Tridentinum less. 14. quamvis circumstantia non sint semper declaranda: Ergo septem tantum sunt circumstantia humanorum actuum, prædicto verū contentæ.

Probatur secundò conclusio, explicando singulas circumstantias in particulari. Circumstantia *Quis*, non substantiam personæ quæ agit, sed qualitatem conditionemque illi adjunctam significat; ut si sit secularis, vel clericus, conjugatus, vel solitus; yoto adstrictus, vel non, persona particularis, vel communis; hæc enim omnia aggravant aut minuunt malitiam peccati, vel aliquando mutant speciem. Similiter circumstantia *Quid*, non denotat substantiam ipsius

effectus, sed aliquod accidens illi adjunctum: A  
Nam quod aliquis perfundens aliquem aquam, abluat ipsum, non est circumstantia ablutionis, sed quod abluedo infrigidet, vel calefaciat, & sanet, vel noceat, hoc est circumstantia, inquit D. Thomas hic art. 3. ad 3. Circumstantia *Vbi* exprimit locum in quo sit actio; qui si sit publicus, reddit peccatum publicum & scandalosum; si sacer, facit illud esse sacrilegium, & Deo specialiter injurium, quia domum Dei decet sanctitudo. Circumstantia *Quibus auxiliis*, significat instrumenta seu media quibus operans utitur: v.g. si quis utatur auxilio infidelium ad aliquid bellum, si incantationibus magicis, si ope Dæmonum; illa praebent speciem malitiae distinctæ. Circumstantia *Cur* designat finem, non intrinsecum & qui se tenet ex parte operis (hic enim pertinet ad assentiam) sed extrinsecum, & ab ipso operante intentum, ut si quis fuerit propter adulterium, vel det elemosynam propter vanam gloriam. Circumstantia *Quomodo*, explicat modum quod actus fit, nempe tardè vel velociter, intense vel remissè; & hæc circumstantia communiter non mutat speciem, sed tantum modificat actum. Ultima denique circumstantia, scilicet *Quando*, significat tempus, in quo duo considerantur, scilicet qualitas temporis, & quantitas; qualitas, ut si sit dies festus, & quis non audiat missam, vel faciat opus servile; quantitas verò, ut si actus multum vel parvum duret; si enim sit diuturnitas valde notabilis, aggravatur notabiliter peccatum, non tamen mutatur species. De quo infra, cùm agemus de bonitate & malitia actuum humanorum.

## DISPUTATIO IV.

## De simplici volitione.

Ad questionem 8. D. Thoma.

**E**XPLICATIS conditionibus generalibus actuum humanorum, quæ sunt ratio voluntarij, ac liberi, & circumstantiae in communi, exponit S. Doctor singulos actus humanos in particulari, incipiendo ab illis qui sunt circa finem, & progrediendo in alios qui versantur circa media. Primus autem voluntarius actus circa finem, appellatur *voluntas* (nominis potest illi appropriato, sicut prima principiorum cognitionis nuncupatur *intellectus*) vel *simplex volitus*, quia habet objectum omnino simplex, nempe finem sumptum præcisè secundum se; cùm alij actus posteriores, vel respiciant finem in ordine ad media, ut intentio, vel media cum respectu ad finem, sicut *elektio*, *consensus*, & *usus*, atque ita non habeant objectum simplex, sed aliquo modo duplicatum. Licit autem D. Thomas de simplici volitione in hac quæstione principaliter intendat differere, plura tamen admiscet de ipsa potentia volitiva, quia exæcta hujus notitia ita requirit.



## ARTICULUS PRIMUS.

An objectum voluntatis, aut simplicis volitionis, sit solum bonum, vel indifferens ad bonum & malum?

**L**ICET omnes ferè Theologi & Philosophi tanquam generale principium, ab omnibus sapientibus admissum, recipiant, voluntatem non esse nisi boni, & omnia bonum appetere: sunt tamen aliqui Nominales, qui putant voluntatem posse ferri in malum, sub ratione mali, & ita adæquatum ipsius objectum non esse bonum, sed indifferens ad bonum & malum. Scotus etiam in 1. dist. 1. quæst. 4. aliisque in locis, circa hoc videatur antecip & dubius, atque non esse sufficienter hucusque probatum, quod voluntas non possit odio habere bonum, & velle malum sub ratione mali.

## S. I.

Conclusio negativa statuitur.

**D**ICO tamen: Solum bonum, ut abstrahit à vero vel apparenti, esse objectum voluntatis, seu simplicis volitionis: unde licet voluntas affectu prosecutionis posset ferri in bonum aliquid apparend, quod revera malum est, non tamen in malum cognitum ut tale.

Probatur primò ex Aristotele qui i. Ethic. cap. 1, tanquam fundamentum totius moralis scientiæ ponit illud principium: *Bonum est quod omnia appetunt*: Sed illud esset falsum, si voluntas affectu prosecutionis posset ferri in malum, sub ratione mali, & si ejus objectum esset aliquid abstrahens à bono & malo: Ergo &c.

Confirmatur ex SS. Patribus: Dionysius enim cap. 4. de divin. nominibus, docet quod malum est præter voluntatem, & quod omnia bonum appetunt, ut refert D. Thomas hic art. 1. in arguimento *sed contra*. Et Augustinus in Enchir. cap. 86. sic ait: *Beati esse voluntus; & miseri non solum esse nolumus, sed neque velle possumus*. Item Boëtius 4. de consolat. profa 2. *Omnes (inquit) homines, boni pariter ac mali, indiscretâ intentione ad bonum pervenire nituntur*.

Respondent Nominales, Aristotelem, & SS. Patres, nomine boni & mali intellexisse idem quod appetibile & odibile.

Sed hæc interpretatio absurdæ est: nam si in hoc sensu Aristoteles & SS. Patres locuti essent, nugatoria esset eorum locutio: cùm enim dicunt solum bonum esse appetibile, & solum malum odibile, sensus esset, solum appetibile esse appetibile, & solum odibile esse odibile.

Probatur secundò conclusio: De potentia volitiva, & illius actibus, eo ferè modo, proportione servata, philosophari oportet, quod de intellectiva, & operationibus ejus: Sed objectum adæquatum intellectus est ens ut verum, non verò ens ut abstrahens à vero vel falso: Ergo pariter objectum adæquatum voluntatis, subinde que primæ operationis illius, erit ens ut bonum, non verò ut abstrahens à bono & malo, seu à convenienti & disconvenienti. Unde sicut intellectus non potest assentiri falso, nisi sub ratione veri; ita nec voluntas potest prosequi malum, nisi sub ratione boni, seu ut vestitum bonitate aliquâ, verâ, vel apparent.

Pro-